



POČETNA

AKTUELNO ▾

NABAVKE ▾

ORGANIZACIJA ▾

GRAĐANSTVO ▾

KAMPANJE ▾

PRESS

PROPISI ▾

PREUZIMANJA ▾

GALERIJA ▾

LINKOVI

Aktivnosti na rasvjetljavanju krivičnog djela "Ubistvo"

22.01.2022

Radeći na rasvjetljavanju i dokumentovanju krivičnog djela “Ubistvo” koje se dogodilo 20.01.2022.godine na području općine Novo Sarajevo, policijski službenici Uprave policije MUP-a Kantona Sarajevo su tokom jučerašnjeg dana, na osnovu prikupljenih saznanja i dokaza, uz prethodno pribavljenu naredbu Suda, pod nadzorom Kantonalnog tužilaštva Kantona Sarajevo, izvršili pretres stana u ul. Džemala Bijedića, područje općine Novi Grad Sarajevo, a kojeg, između ostalog, koristi A.A. rođen 1983.godine iz Sarajeva, kojom prilikom je u stanu pronađena veća količina oružja, droge i municije, koja je oduzeta i to: 2 ručne bombe, jedan raketni bacač, 9 pušaka, 2 pištolja, 1067 komada metaka raznog kalibra, 2 prigušivača, 525 grama suhe zeljaste materije koja asocira na opojnu drogu “Marihuanu”, 40 grama praškaste materije koja asocira na drogu “Kokain”, 370 grama praškaste materije koja as ocira na “Heroin”, 1150 grama materije koja asocira na drogu “Spid”, 3 digitalne vage, 2 mašine za vakumiranje, futrola i pribor za oružje.

Lice A.A. je lišeno slobode zbog sumnje da je počinio krivična djela iz člana 238. i 371 KZ F BiH i 74. ZONDINOM-a KS (Neovlaštena proizvodnja istavljanje u promet opojnih droga, Nedozvoljeno držanje oružja ili eksplozivnih materija i Posjedovanje vatrenog oružja bez odobrenja nadležnog organa) i isti je predat u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo, te će se nad istim tokom dana nastaviti kriminalistička obrada.

Istog dana policijski službenici izvršili su pretres još jednog stana u ul. Džemala Bijedića, područje općine Novi Grad Sarajevo, kojom prilikom je pronađena i oduzeta određena suma novca za koju se sumnja da pripada jednom od osumnjičenih za ubistvo, a koji novac je protivpravno stekao izvršenjem krivičnih djela.

Osim lica A.M. za kojim je ranije raspisana potraga, policijski službenici su identifikovali još dva lica koja se dovode u vezu sa izvršenim krivičnom djelom “Ubistvo” i za istim je, također, raspisana potraga.

Radi se o licima S.A. i V.V. iz Sarajeva.

Policijski službenici Uprave policije MUP-a Kantona Sarajevo pod nadzorom Kantonalnog tužilaštva Kantona Sarajevo nastavljaju daljnji rad na dokumentovanju krivičnih djela, te pronalasku lica koja se dovode u vezu sa ubistvom K.L.

